

63 Romain pouuoir fera du tout abas,
Son grand voyfin imiter les vestiges:
Occultes haines ciuiles, & debats
Retarderont aux bouffons leurs folligges.

persir in d' thir

64 Le chef de Perse remplira grande OLXADES
Classe trireme contre gent Mahumetique
De Parthe, & Mede: & piller les Cyclades:
Repos long temps au grand port Ionique.

65 Quand le sepulcre du grād Romain trouuē,
Le iour apres sera esleu pontife,
Du senat gueres il ne fera prouuē
Empoisonné son sang au sacré scyphe.

66 Le grand baillif d'Orleans mis à mort
Sera par vn de sang vindicatif:
De mort merite ne mourra, ne par sort:
Des pieds & mains mal le faisoit captif.

67 Vne nouuele secte de Philosophes
Mesprisant mort, or, honneurs & richesses,
Des monts Germains ne seront limitrophes:
A les ensuiure auront apui & presses.

Peuple